

বাসন্তী ।

গীতি নাট্য ।

২১ শে চৈত্র ১৩১৫ সাল ।

কলিকাতা থিয়েটারে প্রথম অভিনীত ।

বিদ্যাবিনোদ প্রসাদ বিদ্যাবিনোদ প্রণীত ।

২০১ নং কর্ণওয়ালিস স্ট্রীট ৩ইতে

শ্রী ওয়াশ চট্টোপাধ্যায় কর্তৃক প্রকাশিত



কলিকাতা প্রেসে জে. এন. বসন্ত দ্বারা মুদ্রিত ।

কলিকাতা ।

১৩১৫ ।

মূল্য ১০ আনা মাত্র ।

নাটোল্লিখিত ব্যক্তিগণ

পুরুষগণ

পুষ্পরথ	অপ্সরুনায়ক ।
রঘুবর	জনৈক শ্রেষ্ঠী ।
কুড়োরাম	ধনধান বণিক ।
চাকাদাস	রূপণ প্রেমিক ।
সুরেশ্বর	রঘুবরের বন্ধুপুত্র, ধনহীন যুবক ।
হরিহর	চাকাদাসের ভৃত্য ।
নিবারণ	ছদ্মবেশী পুষ্পরথ ।

গ্রহরী ।

স্ত্রীগণ ।

বাসন্তী	স্বর্গের রঙ্গরাণী ।
টি লেখা	অপ্সর নায়িকা ।
জয়া	রঘুবর শ্রেষ্ঠীর কুমারী কন্যা
মানিনী	কুড়োরামের স্ত্রী ।
মৃগ্ময়ী	রঘুবরের পরিচারিকা
পুঁইসুন্দরী	ছদ্মবেশিনী অপ্সরা ।

অপ্সরাগণ

প্রস্তাবনা ।

গন্ধর্বলোক ।

বাসন্তী, চিত্রলেখা

সখীগণ ।

জেগেছিল মনে বাসনা ।

শুধু জাগা হ'ল সার—হৃদিভার—

আশা পূরে না বুঝি পূরে না ।

এ মুখ বনস্তে সই করেছি মেলা,

সেজে বাসে কার আশে সারাটা বেলা,

সাঁজে শরীর খেলা—প্রাণ উতলা—

কোথাহে প্রেমিক বঁধু কাছে এসনা ॥

বাসন্তী । চিত্রলেখা !

চিত্র । কি রাণী !

বাসন্তী । চিরদিনই মানুষ কামনার অপূরণে কষ্ট পায়—এক রাত্রে জন্ম তাদের স্নেহের স্বপনে ঢেকে দিতে পারিস ?

চিত্র । হুকুম করলে কেন পারবো না রাণী ! তবে যখনই তোমার আবির্ভাব, তখনিত তোমার আদেশে মানুষের চোখের ওপর মনের মলিন ছবি অঁকি । তবুত মানুষের চোখ দূর করতে পারলুম না ।

বাসন্তী । স্বভাবের দোষে মানুষ তোমার স্বপ্নের ছবি ভুলে যায়—স্বভাবের দোষে কষ্ট পায়, তাতে তোমার কি । তুমি তোমার

প্রকৃতি লজ্জন করবে কেন ? দীর্ঘ জীবনের মধ্যে কতক্ষণের জ্ঞান বসন্ত আসে চিত্রলেখা ! যেটুকু সময়ের জ্ঞান আসে, সেটুকু সময়ের জ্ঞানই বা তুমি মানুষের চোখে স্থখের ছবি আঁকতে ছাড়বে কেন ? সই ! একটা রজনীর জ্ঞান মানুষের শ্রমভার-নির্মীলিত আঁখি-পলকের ভিতরে তার বাসনার ছবি জাগিয়ে তোল । যে যা দেখতে চায়, তাকে তাই দেখাও ।

চিত্র । বহুমানের আদেশ গ্রহণ করলুম রাণী ! কিন্তু মনের দোষে যে আমার ছবি ভেঙ্গে দেবে, তার বেলায় কি করব ?

বাসন্তী । নিদান নিশীথের স্বপ্ন—মনের দোষে যে ভেঙ্গে ফেলবে, তার ভাগ্যে চিরউত্তাপময় চিরমরীচিকাভরা সংসার মরুভূমি—সে জেগে তাতে বিচরণ করবে আর জালায় জলবে । গুন চিত্রলেখা ! তোমার তাতে কোন অপরাধ হবে না ।

চিত্র । বেশ রাণী—তা নাচলেই হ'ল—তা হ'লে নমস্কার করে বিদায় গ্রহণ করি ।

বাসন্তী । তোমাকে আজ মধু বামিনীর রাণী করলুম—তোমার আদেশে আমার সমস্ত সহচর সহচরী কার্য্য করবে ।

[বাসন্তীর প্রস্থান ।

চিত্রলেখার গীত ।

সাঁতারের সাধী যদি পাই ।

যত পারি ধরাধরি দূরে ভেসে যাই ॥

সমীরণে দিয়ে ভর যাইগো চাঁদের ঘর

সুখা ধরে অধরে মিশাই—

ভেঙ্গেদি সরস বাধ কেটে দি শশীক ফাঁদ

ধরাপরে তারক। ঝসাই ॥

(পুষ্পরথের প্রবেশ)

গীত ।

প্রাণ যদি উঠে নেচে ক'র না মানা ।

হাত ধরে ভেসে চল ও কাঁচা সোণা ॥

নীলে দেব অঙ্গ ঢেকে এলিয়ে দেব বেণী।

ঝরিয়ে দেব মতির ধারা গেঁথে দেব চুনী ।

ভেঙ্গে দেব সুধার-ঝারি ঝরবে ঝরণা—

ঘরে ঘরে ফুটবেলো ফুল

লুক্ক ভসর হয়ে আকুল—

করবেলো আনা গোনা ॥

পুষ্প । কোথা চিত্রলেখা ! তাইত ! এ বেশত আগে দেখিনি ।

এ ভুবনমোহন রূপ নিয়ে কোথায় চলেছ সই ? নীলাঘরে নব-
বিকসিত কোমুদীর পাড় দিয়ে, কুন্তলে অঞ্চলে তারকা গেঁথে নব
কাদম্বিনীর বেণী ছলিয়ে—সম্ভারাগরঞ্জিত অধর সমীরণে দিয়ে ভর
—আমাকে ফেলে কোথায় চলেছ সই—কোথা—চিত্রলেখা ?

চিত্র । পথ ছাড় পুষ্পরথ ! রাণীর কাষে আমি ধরণীতে
চলোছি ।

পুষ্প । এমন কি প্রয়োজন ! এমন বাসন্তীনিশায়, প্রকৃতির
লীলারঙ্গে না মেতে আকাশ-কানন ছেড়ে কঠোর মৃত্তিকায় এ
কোমল চরণ বিক্ষত করতে চলেছ । অমিত সই, তোমাকে যখন
পেয়েছি, তখন কেমন করে ছেড়ে দেব ।

চিত্র । এতক্ষণ কোথায় ছিলে শুণধর ! কাক্সের সময় পথ
আগলে বাধা দিতে এসেছ । বাঁও দেখি রাণীর কাছে, সমুচিত
কল পাবে । অফুটন্ত চাঁপার কলিতে হয় আবদ্ধ হবে, নয় গোলাপের
গোড়ায় নাকড়সার জালে বাঁধা পড়বে । •

পুষ্প। 'সত্যি ?

চিত্র। একবার যাওনা—তাহ'লেই টের পাবে এখন।

পুষ্প। তবে আমি তোমার সঙ্গে যাব। যা থাকে অদৃষ্টে—
বাচি কিম্বা মরি, তোর সঙ্গেই আমি মাটি আঁকড়ে পড়ে থাকবো।
কিন্তু চিত্রলেখা শোন সহ—আমি দোষী নই। বিকালে পূর্ব
গগণের কোলে আমি একটা রামধনু তহরি করছিলুম,—ছোট
ছোট বারি বিন্দু একত্র গেঁথে তুমার রেখায় পরিণত ক'রে একটা
বাণ তহরি করতে যাচ্ছিলুম—

চিত্র। কাকে বেঁধবার জন্তে সখা ?

পুষ্প। কাকে বেঁধবার জন্তে ? সে আমাকে সৃষ্টির আরম্ভ
থেকে বিধে আসছে—কাকে বেঁধবার জন্তে ? সে রহস্য ক'রে কথা
কইতে, কোমল ভ্রভঙ্গে এখনও আমার হৃদয় বিদ্ধ করছে—চিত্র-
লেখা—প্রাণসই - তাকে বেঁধবার জন্যে।

চিত্র। কই বাণত আমার কাছে এল না।

পুষ্প। তাইত দুঃখ চিত্রলেখা ! সৃষ্টিমাত্র তাকে তোমার
পানে ছুঁড়ে দিয়েছে—সৃষ্টিকাল থেকে সে আকাশপথে তোমার
কাছে ছুটে আসছে—কিন্তু আজও পর্য্যন্ত সে তোমার কাছে
এল না।

চিত্র। কেন বল দেখি সখা।

পুষ্প। আমার বোধ হয়, সে তোমার হৃদয় খুঁজে পাচ্ছে না।
পরের হৃদয় আঁকতে গিঠে তুমি নিজের হৃদয় হারিয়ে ফেলেছ।

চিত্র। তা নয় পুষ্পরথ, 'পুরুষের প্রবঞ্চনা দেখে নারীর
কোমল হৃদয় গলে গিয়েছে, তাই তোমার ছোঁড়াবাণ বেঁধবার বস্তু
পাচ্ছে না।

পুষ্প। কি এতবড় অন্যায়—প্রবঞ্চনা—বল্ন্ত চিত্রলেখা, কে সেই প্রবঞ্চক—আমি বাণটা ধরে এনে এখনি তার বুকে বেঁধে দিই—

চিত্র। সে প্রবঞ্চক তুমি !

পুষ্প। আমি—আমি ! সে কি সহ—সে কি সহ—কেমন ক’রে আমি !

চিত্র। রামধনু গড়ছিলেত, গায়ে ধুলো লাগলো কেমন করে ?

পুষ্প। তাইত—তাইত ! এত যত্ন করে রচা রামধনু—তাতে ধুলো লাগলো, কি করে !

চিত্র। সত্যি করে বল কোথায় ছিলে, নইলে এখনি রাণীকে ডাক দেব।

পুষ্প। র’স—র’স ভেবে বলছি—

চিত্র। শিগুগির বল—

পুষ্প। তবে বলব, আজ মাহুঘের ঘরে প্রবেশ করেছিলুম। আমরা আকাশের পাখী—আকাশেই থাকি—আকাশের গায়ে গান ভাসাই—মাহুঘে কি ‘ক’রে সময় কাটায়—কি সুখের গান গায় জানতে পারি না—তাই জানতে মাহুঘের ঘরে প্রবেশ করেছিলুম। বনীর ঘরে গিয়েছিলুম—দরিদ্রের ঘরে চুকেছিলুম—বিরহীর দোরে মাথা গলিয়েছিলুম—

চিত্র। গিয়ে দেখলে কি ?

পুষ্প। গিয়ে যা দেখলুম, তাতে হাসি রঞ্খতে পারলুম না। সমস্ত ধরণীর ভেতর এমন একটাকেও দেখলুম না যে সম্পূর্ণ সুখী, এমন একটাকেও দেখলুম না, যার একটা না একটা কামনা নেই। যার পুত্র আছে তার পয়সা নেই, যার পয়সা আছে তার পুত্র নেই,

বার চোখ আছে তার স্মৃথে রূপ নেই, বার স্মৃথে রূপ আছে তার চোখ নেই—

চিত্র। বল কি !

পুষ্প। বার রূপসী কণ্ঠা আছে তার পাত্তস্থ করবার পরসা নেই—বার পরসা আছে তার কণ্ঠার রূপ নেই—

চিত্র। ঠিক হয়েছে—চল দেখে আসি।

পুষ্প। এক স্থানে গিয়ে দেখলুম, এক অতুল ঐশ্বর্যের অধিকারী বণিক, পুত্রের অভাবে কাতর হয়েছে। বহুকাল পূর্বে তার একটা কণ্ঠা হয়ে মরে গিয়েছিল, সে অতুল ধন সম্পদ বুকে ক'রে, তারই জন্তে শোক করছে। আর এক স্থানে গিয়ে দেখলুম, একটা পরমাসুন্দরী বালিকা—প্রায় তোমারই মতন—কিন্তু মাতৃ-হীন গরীব—অর্থাভাবে তার বাপ মেয়েকে সৎপাত্রে দিতে পাচ্ছে না। কিন্তু একজনকে দেখে আমি হাসতে হাসতে মাটিতে গড়াগড়ি খেয়েছি, সেই জন্তেই সর্বদা আমার ধুলো লেগেছে।

চিত্র। কে সে সখা ?

পুষ্প। সেও এক জন ঐশ্বর্যবান—কিন্তু বৃদ্ধ বয়সে তার স্ত্রীবিয়োগ হয়েছে। ছেলে মেয়ে পৌত্তুর দোহতুরে তার বর বোঝাই। তবু সেই বয়সেই সে আবার বিবাহ করবার জন্তে পাগল হয়েছে।

চিত্র। বস্ এতক্ষণ পরে আমার ছবি আঁকবার জিনিষ মিলেছে—এস সখা ! সহায় হও, কোথায় কে কি বাসনায় ব্যাকুল, একবার দেখাও—স্বাণীর আদেশ—আজ মধুসামিনীতে এক রাত্রির জন্তে সকলের চক্ষে সোণার স্বপন অঙ্কিত করবো। যে সরল চোখে চাইবে সে জেগেও সেই ছবি দেখতে পাবে—

যে কুটাল সেই কেবল জেগে বিপরীত দেখবে। এস সখা আমার সহায় হও—

পুষ্প। বেশ, চল—আকাশের পাখী - কেবল নীল আকাশের মধুমাখা বাতাসেই প্রাণপূর্ণ করেছ—তারার বাগানেই উল্লাসে নেচে নেচে বেড়িয়েছ—পৃথিবীতেত পা দাওনি। ভবঘোরত কখন পড়নি। চল একবার ঘুরে আসি। স্বপ্নের ফুল মাথায় নিয়ে চল ফুলরাণী একবার ভবের বাজারে বেচা কেনা করে আসি।

দ্বৈত গীত।

উভয়ে। থাকে যদি খঞ্জন গঞ্জন আঁপি।
 পলকে পুলক মাখি, সোণার সুগনে ঢেকে রাপি ॥
 চিত্র। দূরদেশ হ'তে বঁধু ধরিয়ে আনি,
 তরল আঁচলে তোর বাঁধি সজনি।
 পুষ্প। (আমি) পিন্ন পাশে পিয়া আনি স্থির দামিনী।
 উভয়ে। ফুলকলি পাশে অলি রবে কি বাকি ॥
 সখীগণ। টুটে যাবে সরমের কাঁস.
 উখলিবে মদন বিলাস ;
 মধুমােসে এই অবকাশ —
 মরম ঢালিয়ে দিব দিব না ফাঁকি।
 পথ ভুলে এস চলে—এস সখা—এস সখী ॥

বাস

প্রথম অঙ্ক

প্রথম দৃশ্য ।

রঘুবরের গৃহসম্মুখস্থ পথ ।

রঘুবর ও জয়া ।

জয়া । এরই মধ্যে ফিরে এলেন যে বাবা ?

রঘু । যে জগ্গে যাচ্ছিলুম তা হলোনা । কাজেই ফিরে না এসে আর করবো কি ?

জয়া । আপনার বন্ধু সাহায্য করলে না ?

রঘু । বন্ধু থাকলে তো সাহায্য করবে ।

জয়া । তিনি নেই ?

রঘু । একমাস হলো তিনি মারা পড়েছেন ! ব্যবসাতে লোকসান হয়ে তিনি সর্বস্বান্ত হয়েছিলেন । সেই দুঃখে হৃদরোগে তাঁর দেহত্যাগ হয়েছে । তাঁর এক ছেলে—নাম সুরেশ্বর, সেও মনের দুঃখে কোথায় নিরুদ্দেশ হয়ে গেছে ।

জয়া । তা হলে কি হবে ?

রঘু । আর কি হবে মা—সর্বস্বান্ত হলাম । সব তো আগেই গিয়েছে—পৈত্রিক ভিটে—তাঁও রাখতে পারলুম না । কুড়োরামের কাছে সাতদিন মাত্র সময় নিয়েছি, এই সাতদিনের মধ্যে তার দেনা না শুধতে পারলে সে সমস্ত বিষয় ক্রোক করে নেবে ।

জয়া । কুড়োরামের দেনা কি কিছুতেই শোধ গেলনা ?

রঘু । আর গেল কই ? আসলের চারগুণ গুদ দিয়েছি—তবু তার আসলের এক পরসাত্ত শোধ গেলনা ।

জয়া । তাহলে কি করবে বাবা ?

রঘু । কি করবো—কি করবো আর বুদ্ধিতে যে আসছেন না ! রোগে, মনস্তাপে, তোমার জননীর শোকে, শরীর জীর্ণ হয়ে গেছে, তায় ওপর ঋণের চিন্তা । কোন যায়গায় চাকরি ক’রে গতর খাটিয়ে যে শোধ দোবো সে ক্ষমতাও নেই । মা, অযোগ্য সন্তান জন্মেছিলুম, বংশের মর্যাদা রাখতে পারলুম না, পিতৃকুলের নাম ডুবিয়ে ফেললুম ! অযোগ্য পিতা—তুমি একমাত্র কথা—তোমাকেও যে সৎপাত্রে দোবো তাও পারলুম না ! ভিখারীর মেয়েকে কোন্ ভাগ্যবানে বিয়ে করবে !

জয়া । চাকাদাস শেঠের কাছে যাননা কেন । শুনেছি সেতো আমার ঠাকুর দাদার একজন আমলা ছিল । আমাদের বাড়ীই চাকরী করে সে এখন অগাধ ধনের অধিকারী হয়েছে । চাকাদাস কি আপাততঃ টাকা দিয়ে আমাদের বিষয়টা রাখতে পারে না ?

রঘু । মনে করলেই পারে ।

জয়া । তবে তার কাছে একবার যাননা কেন !

রঘু । গিছলুম বইকি ।

জয়া । সে কি সাহায্য করতে চায়না ? অমনিতো নিচ্ছেন না । আপাততঃ কুড়োরামের হাত থেকে উদ্ধার করে রাখা । তার পর আপনার চিরকালই কি এমনি যাবে ? সময় ফিরলে গুণে দেবেন ।

রঘু । তাতো তাকে বলেছিলুম ।

জয়া । সে একসময়ের চাকর তো বটে—তার টাকা কি আমরা খেয়ে বসে থাকবো ? সময় হলেই গুণে দোবো ।

রঘু । সে সব বলেছি মা ।

জয়া । সে কি সাহায্য করতে চায়না ?

রঘু । সাহায্য করতে চেয়েছিলো কিন্তু যে সৰ্ত্তে চেয়েছিলো তাতে তার সাহায্য নেওয়াকি, তার মুখ দর্শন করবো না মনে মনে ঠিক করেছি ।

জয়া । নে কি বলে ?

রঘু । কি বলে আর তোমার কাছে কি করে বলবো মা । কুড়োরাম তো সুদখোর, তার চোখের পরদা না থাকতে পারে, কিন্তু যে অক্লুতজ্ঞ মনিবের চঃসময়ে তাকে তীর রহস্য করতে পারে তার মতন নরাদম আর নেই ।

জয়া । কি বলেছে বাবা ?

রঘু । এই যে বললুম—তা তোমার কাছে কি করে বলবো মা ! পাষণ্ডের বৃদ্ধ বয়সে স্ত্রী বিয়োগ হয়েছে, তাই সে ফের বিয়ে করবার জন্তে পাগল হয়েছে ।

জয়া । বুঝেছি—

রঘু । মা ! নরাদম আমাকে বলে কি তোমার কন্ঠাটী আমাকে দাও, আমি সব টাকা গুণে দিচ্ছি ।

জয়া । তা ঋণের চেয়ে কি পাপ আছে বাবা ?

রঘু । তা নেই সত্য, কিন্তু দেখে শুনে আমার সোণার প্রতিমাকে ঘাটের মড়াকে ধরে দোবো ! তার চেয়েও কি পাপ আছে মা ? ফুল তুলতে যাচ্ছে তুলে নিয়ে এসো । আমি একবার বন্ধুর ছেলের অন্বেষণ করবো । পরমেশ্বর শ্রেষ্ঠীর ছেলে সে আমার তোমারই মতন প্রিয় । তাকে পেলে তোমাকে ধরে দিই । তারপর আমার আর কি—সন্ন্যাসী হয়ে পথে পথে বেড়াবো ।

নাও মা দেরি করোনা, কুল-দেবতার ভাগ্যে বোধ হয় বেশী দিন
আর তোমার ফুল পাওয়া হয় না । [প্রস্থান ।

(মানিনীর প্রবেশ ।)

মানিনী । আঃ এক চোকো বিধেতা ! যে খেতে পায়না তার
ঘরে কুকুর বাচ্চার মতন ছেলে পাঠাচ্ছিস ! আর আমাকে একটা
কানা খোঁড়া ছেলে দিতেও কি তোর হাতে আগুন লেগে গেছে !
এত দেবতার দোরে মাথা খুঁড়লুম—চণ্ডী, মাকু'ণ্ডী, বগী, পঞ্চানন্দ—
কত ঠাকুরের কাছে মানোত করলুম, কেউ কিছু করলে না ।
দেবতাগুলোও কালে জুয়াচোর হয়ে পড়লো ! নাকি দিয়ে আমার
সব সিন্ধিগুলো খেয়ে ফেললে ? আরে মর কে তুই ? আরে—
চোখের মাথা খেয়েছিস নাকি ?

জয়া । কেও শেঠগিনী ?

মানিনী । যা যা আর শেঠগিনী বলে আদর কাড়াতে হবে না ।
রূপের ঠেকারে একেবারে মাটিতে পা পড়ছে না দেখছি যে—তবু
যদি বাপের এক কড়া মুরোদ থাকতো ! আ—মর ।

জয়া । মিছি মিছি আমাকে গাল দিতে লাগলে কেন বাছা ?

(কুড়োরামের প্রবেশ ।)

কুড়ো । কি কি—হলো কি ?

মানিনী । কান্দালের মেয়ের এত অহঙ্কার কেন ? অহঙ্কারের
গোড়া আমার হাতে—মুচড়ে দিলে কোন চুলোয় যাস তা জানিস ?

কুড়ো । আরে 'হলো কি—হলো কি—ছুঁড়ী তোর অপমান
করলে নাকি ?

জয়া । আমি পেছন ফিরে যাচ্ছি, তুমিইতো আমার পিটে এসে
পড়লে ! তুমি চোখে দেখতে পেলেনা, তাতে আমার দোষ ?

মানিনী । দেখলে দেখলে—আবাগী চোক তুলে গাল দিলে ?
কুড়ো । কি ! দেনার বাপের মাথা আমার কাছে বিক্রী—তার
মেয়ের এত অহঙ্কার । চলে আয় মাতু চলে আয় । আমি আজট
এর বিহিত করছি ।

মানিনী । তোমারই জন্যেতো এই সব অসৈর্য সইতে হয় ।
বার বার বলি যে কাকালকে দয়া দেখিওনা ।

কুড়ো । আর দেখাবো না—দেখিয়ে অন্তায় করেছি । দেখ
জয়া ঘরে গিয়ে তোর বাপকে বলগে যা—কাল সকালের মধ্যে সে
যদি টাকা গুধতে না পারে তাহলে বাড়ী থেকে তাদের দূর করে
দেবো ।

জয়া । কালকের মধ্যে কেমন করে দেবে ?

কুড়ো । কেমন করে দেবে তা আমি কি জানি ? সে না
দিতে পারে, তুই খুবড়ো মেয়ে হয়ে রয়েছিস, তুই রোজগার করে দে ।

জয়া । (চক্ষে অঞ্চল দিয়া ক্রন্দন)

মানিনী । আর মারা কার্মা কঁাদতে ছবেনা !

কুড়ো । চাকাদাস বাবু টাকা দিতে চাইলে বেটার অহঙ্কারে
টাকা নেওয়া হলোনা । মেয়ে রাজপুত্রকে দেবে বলে পাঁড় করে
রাখা হয়েছে । গুরুজনের মান জানেনা । চলে আয় ।

জয়া । দোহাই বাবু—মাপ চাচ্ছি—রাগ করোনা ।

মানিনী । যা যা—গোড়া কেটে আগায় জল !

• (সুরেশ্বরের প্রবেশ ।) •

সুরে । কি গা ! ব্যাপারখানা কি ? তাইতো এ তোমরা
কি করছো ? বুড়ো মিন্সে মাগীতে প'ড়ে একটা ছোট বালিকাকে
কঁাদাচ্ছো !

মানিনী । আরে মল হাড় হাবাতে ছোঁড়া—মাগি—

কুড়ো । এত বড় স্পর্কা মিন্‌সে ! কে তুই ?

সুরে । আচ্ছা ভুল হয়েছে—খোকা আর খুকী । তা খোকা-
মনা আর খুকিমনি এ মেয়েটাকে কঁাদাচো কেন ?

কুড়ো । পাজি বেটা তামাসা ? লোক চেনোনা ? এই
এখনি মাথার খুলি উড়িয়ে দেবো তা জানিস ?

সুরে । কই দে দেপি বেটা কাকভুষণ্ডি—দেখি তোর কত
বড় ক্ষমতা ?

মানিনী । ওগো মারবে নাকি গো ?

কুড়ো । চলে এস মান্ন চলে এস—গুগু—গুগু । যা বেটা
ঘরে যা । সঙ্গে গুগু ছোঁড়া নিয়ে লড়াই করতে এসেছিস ?
তোর বাবাকে বলগে যা, তার কোন বাবা তাকে বাড়ীতে রাখতে
পারে—গুগু—গুগু—চলে এস মান্ন, চলে এসো । [প্রস্থান ।

জয়া । কেন ওদের চটিয়ে দিলেন ? আমি হাতে পায়ে ধরে
ওদের ঠাণ্ডা করছিলুম । এখন কি হবে ? কাল যে আমাদের
পথে বসতে হবে—তার কি ?

সুরে । পথে বসতে হবে কেন ?

জয়া । সর্বস্ব ওদের কাছে বাঁধা—মাথার চুল পর্য্যন্ত বিক্রী ।

সুরে । বটে ! তাতো বুঝতে পারিনি । তোমাদের সর্বস্ব
ওই নরাধমের কাছে বাঁধা ?

জয়া । সর্বস্ব ! কাল যদি ও আমাদের তাড়িয়ে দেয়, তাহলে
একেবারে আমাদের গাছতলা আশ্রয় করতে হবে ।

সুরে । তাহিতো গা ! তাহলে তো তোমার বড়ই ক্ষতি
করলুম ।

জয়া । তাতে তোমার দোষ কি ? তুমি ভাল করতে এসেছিলে—আমার বরাতে মন্দ হয়ে গেল । তা তুমি করবে কি ? ওরা বড় নিষ্ঠুর । আসলের চারগুণ সুদ ওরা বাবার কাছে আদায় করেছে, তবু আসল ঋণ শোধ হলো না ।

সুরে । 'কত টাকা ঋণ জান ?

জয়া । ঠিক জানিনা । তবে শুনেছি অনেক—প্রায় দশ হাজার টাকা । বাবা রোগ শযায় পড়ে ঋণ করেছিলেন ।

সুরে । আচ্ছা । আমি যদি তোমাদের হয়ে বুড়োর হাতে পায়ে ধরি ?

জয়া । ধরে লাভ ?

সুরে । কিছুদিনের জন্তে যদি তোমাদের ঘর দোর ক্রোক করা স্থগিত রাখতে পারি ?

জয়া । তাতেই বা কি, আমরা ওর দেনা কেমন করে শুধবো, তাতো বুঝতে পারছি না ।

সুরে । আমি একবার শোধবার চেষ্টা করে দেখবো ?

জয়া । তুমি কে ?

সুরে । কি বলবো—এখন আমি ভিখারী—আনার পিতা একজন ধনবান শ্রেষ্ঠী ছিলেন । আমি অদৃষ্ট গুণে কিছু সর্বস্বান্ত ।

জয়া । তুমি কি করে শুধবে ?

সুরে । শেঠের ছেলে পয়সাই নেই—কিন্তু পয়সা রোজগারের কি বুদ্ধিও নেই ।

জয়া । আমার বাবা যদি তোমার পয়সা না নেন ?

সুরে । কেন নেবেন না তাতো জানি না । যদি না নেন অত উপায়েও তো পরিশোধ করতে পারি ।

জয়া । কি করে ?

সুরে । তোমার বিবাহ হয়েছে ?

জয়া । না ।

সুরে । তোমার জন্তে কোন রাজপুত্রের পাত্র সন্ধান করে
আনবো । তোমার যে রূপ, তুমি যার ঘরে যাবে, তার ঘরই
আলো করবে ।

জয়া । তুমি একবার আমার বাবার সঙ্গে দেখা করনা ?

সুরে । এখন নয়, ফিরে এসে । তোমার বাবার নাম কি ?

জয়া । রঘুবর শ্রেষ্ঠী ।

সুরে । (স্বগত) তাহঁতো এ যে আমার পিতৃবন্ধুর কণ্ঠা । কি
আশ্চর্য্য, দুয়েরই অবস্থা এক হয়েছে !

জয়া । দেখা করতে চাও তো আমার সঙ্গে এসোনা ।

সুরে । তোমার নাম কি ?

জয়া । জয়া ।

সুরে । জয়া ! যদি দেখা করবার যোগ্য হই তো দেখা
করবো । তোমার পিতা আমার পিতৃতুল্য, আমি না জেনে তাঁর
অনিষ্ট করলুম । জয়া ! দারুণ মর্শ্ববেদনা—যদি ফেরবার যোগ্য হই
তো ফিরবো—নইলে আর নয় । [প্রস্থান ।

জয়া । তাহঁতো এ কার সঙ্গে কথা কইলুম । বাবার বন্ধুর
পুত্র নয় তো ? হাঃ ভগবান ! এমন অভাগিনী করেও পাঠিয়েছিলে
যে, কেবল লোকের মনে কষ্ট দিতে এসেছি । স্বাম্যাকে পেয়ে
অবধি বাবা ছুঃখী, মা ছুঃখে দেহত্যাগ করেছেন, কে একজন
কোথা থেকে গরীব বলে দয়া করতে এলো, তারও চোখে জল
ফেলানুম । [প্রস্থান ।

দ্বিতীয় দৃশ্য ।

রাস্তা ।

চাকাদাস ও মৃগয়ী ।

চাকা । ও মেরনো মেরনো ! বলি ঠমকে ঠমকে চলেই
চলেছো যে, গরীবের কথায় একবার কান দাও । ও মেরনো—

মৃগয়ী । তামাসা কর কেন বাবু ! আমরা গরীব পেট ভরে
জবেলা খেতেই পাই না—আমাদের ঠমক হবে কিসে ?

চাকা । তা মুখের কাছে খোরাক ধরে রেখেছি—খাবেনা তা
কি করবো ।

মৃগয়ী । মুখের কাছে ধরলেই বা খেতে পারছি কই । আজ
খাওয়াবে, কাল গলা টিপে উগরিয়ে বার করে নেবে ।

চাকা । বলি এই বসন্তের নব প্রভাতে একটা টেকো হাতে
কোথায় চলেছো ?

মৃগয়ী । এই বুড়ো হয়েও মিন্সেগুলোর রস মরেনা দেখে—
তাদের গলায় দড়ী দেবার মতো কাটতে চলেছি ।

চাকা । ক্রুদ্ধ হয়োনা—মেরনো—ক্রুদ্ধ হয়োনা ।

মৃগয়ী । আমরা গরীব, আমাদের রাগে কার কি আসে যায় ।
নাও পথ ছাড়—কাজে যাই ।

চাকা । বলি—জোগাড় করে দিতে পারলেনা ?

মৃগয়ী । সে আমাকে জিজ্ঞাসা করছো কেন বাবু ! তার
বাপ রয়েছে—তাকে জিজ্ঞাসা করো, পাড়া পড়শীরা আছে তাদের
জিজ্ঞাসা কর ।

চাকা । পাড়া পড়শীরা কি করবে ?

মৃগ্ময়ী । বেশ তারা না পারে, তার বাপ তো রয়েছে ।

চাকা । সেটা গোরার গোবিন্দ ! মেয়েটা রাণী হবে তা বোঝে না ।

মৃগ্ময়ী । তবে আর আমাকে বলছো কেন বাবু ! আমি তো আর মেয়ের মা নই ।

চাকা । নারের বাড়ী ! মের্নো ! তুমি আছ তাই বাপে ঝিয়ে খেয়ে বাঁচছে । তুমি যদি চরকা কেটে রণোটোর সাহায্য না করতে তাহলে কি আমাকে এত কষ্ট পেতে হয় । দুদিন খেতে না পেলে আমাকে মেয়েটা দিতে পথ পেতো না ।

মৃগ্ময়ী । তা আর কি করবো বাবু ! আজন্ম তাদের খেয়েই মানুষ হয়েছি । আজ তার দুঃসময়, তাদের জিনিস তাদের খাওয়াছি, তাতে বলবার কথা কি আছে । তুমিও তো খেয়েছো, এ সব ধন ঐশ্বর্য্যি কার হতে হলো তাতো আমার জ্ঞানতে বাকী নেই ।

চাকা । আচ্ছা—ও কথা ছাড়ান দে ।

মৃগ্ময়ী । তোমরা বড় লোক, তোমরা যা কর তাই সাজে ।

চাকা । আচ্ছা সাজে তো সাজে ! এখন পারবি ?

মৃগ্ময়ী । পথ ছাড় ।

চাকা । মের্নোরে নিদয় হয়ো না ।

মৃগ্ময়ী । এ তোমার কি স্বভাব বাবু । ছেলেপুলে নাতি নাতনীতে ঘর বোঝাই । এ বয়সে আবার বিয়ে করতে সাধ যায়গা !

চাকা । মের্নোরে বুঝতে পারলি নি—আমার অবস্থা কি বুঝতে পারলিনি ? আমি যতক্ষণ বাইরে বাইরে আছি, ততক্ষণই

বেশ আছি । বরে গিয়ে সবাইকে দেখতে পাই, কিন্তু কাউকেও দেখতে পাইনা । মের্নোরের দারুণ বিরহ অহরহ হুঃসহ—

মৃগয়ী । তাহলে এক কাজ কর । কালুরায়ের মাতুলী পর, সে মাতুলী গলার পরলে বাঘ পালায়, আর তোমার বিরহ পালাবে না ?

চাকা । সে মাতুলী তোর গলার মের্নো—দয়া করে জয়াটাকে দিয়েদে ।

মৃগয়ী । বালাই,বাছাকে আমার রাজপুত্রে নিয়ে যাবে । জেনে শুনে বাটের নড়াকে দিতে যাবো কেন ?

চাকা । কি বললি বেটা—বাটের নড়া !

মৃগয়ী । তাকি আবার টাটকা—বাসি ।

চাকা । দেখ্ এই ঠিকুজী দেখ্ ।

মৃগয়ী । রেখে দাও তোমার ঠিকুজী ।

চাকা । আরে দেখ্না বেটা—রাগিস কেন—নষ্ট কোষ্টী উদ্ধার ।

মৃগয়ী । ও সাতগুষ্টি উদ্ধার হলেও বিশ্বাস করি না । কাগজ দেখিয়ে বয়স লুকুতে এসেছো ।

চাকা । মের্নো মের্নো ও মের্নো—

মৃগয়ী । নাও পথ ছাড়বে তো ছাড় ।

চাকা । দারুণ বিরহ—অহরহ—হুঃসহ ।

মৃগয়ী । • ও বিরহ কি এখানে মিটবে—একেবারে চিত্রগুপ্তর দপ্তরখানায় হিসেব নিকেশ দেবার সময়—যখন পেঁচো নামদোর রুলের গুঁতো খাবে তখন মিটবে । ননিবের চুরি করে বড় মালুষ হলেই হয় না ।

চাকা । কি বললি পাজী বেটী, চুরি —

মৃগ্ময়ী । তাহলে হাটের মাঝে হাঁড়ি ভাঙবো নাকি ? কুলুচি গাইবো ? কি অবস্থায় এসেছিলে মনে নেই ?

চাকা । আচ্ছা এখন যা বা ।---

মৃগ্ময়ী । দেখোনা যতই বলছি বাবু আমাকে ঘাঁটিয়োনা । বড় মানুষ হয়েছো বেশ হয়েছো ! সেই রকম ইজ্জত রেখে চললে ভাল হয়না ?

চাকা । আচ্ছা এখন যা, রাগ করিসনি, কিন্তু মেরনো একটু ভেবো । অনেক দিনের ভাব একটু মনে রেখো ।

(হরিহরের প্রবেশ ।)

হরি । বাবু—বাবু ।

চাকা । কিরে কিরে ?

হরি । পরমেশ্বর শ্রেষ্ঠীর ছেলে ।

চাকা । , কোথায় রে কোথায় রে ?

হরি । এই দিকেই আসছে ।

চাকা । ভালা বিপদই বা হোক—মেরনো ।

হরি । আগে চলে যান চলে যান—এলো ।

চাকা । দারুণ—হুঃসহ—মেরনো—অহরহ—

[হরিহর ও চাকাদাসের প্রস্থান ।

(সুরেশ্বরের প্রবেশ)

সুরে । হাঁগা বাছা—এ দিকে বুড়ো চাকাদাসকে দেখেছ ?

মৃগ্ময়ী । তুমি কি পরমেশ্বর শ্রেষ্ঠীর ছেলে ?

সুরে । তুমি কেমন ক'রে জানলে ?

মৃগ্ময়ী । তুমি তার ছেলেত ?

স্বরে। হাঁ—

মৃগায়ী। আহা, তাইত বলি—বাপের মুখখানি যেন বসিয়ে রেখেছে।

স্বরে। তুমি কে?

মৃগায়ী। আমার মনিবের সঙ্গে তোমার বাপের ছেলে বেলায় কি ভাবই ছিল!

স্বরে। তুমি কি রঘুবর বাবুর বাড়ী থাক?

মৃগায়ী। থাকি কি বাবু—আমি তাকে মানুষ করেছি। তোমার বাবাকেও আমি হাতে করে কত খাইয়েছি। তা তুমি চাকাদাস বুড়োর খোঁজ করছিলে কেন?

স্বরে। বুড়ো এখানে ছিল?

মৃগায়ী। ছিল বইকি, তুমি আসছ শুনেই পালালো।

স্বরে। আজ এক মাস তাকে ধরবার চেষ্টা করছি—বেটা কেবল সরে সরে বেড়াচ্ছে ধরা দিচ্ছে না।

মৃগায়ী। কেন, বুড়ো তোমাদেরও কিছু মেরেছে নাকি?

স্বরে। মেরেছে বলে মেরেছে—বাবা লাগ লাগে ওর কাছে গচ্ছিত রেখেছিলেন।

মৃগায়ী। আ হরি! সে কি আর পাবে!

স্বরে। পাব না?

মৃগায়ী। বিশ্বাস ত হয় না। ওই রকম পাঁচ জনের মেরেই ওর পয়সা। দেখ, চেষ্টা করে দেখ।

স্বরে। আমি ডুবেছি না ডুবতে আছি—টাকা না পেলে ওর ভুঁড়ি ফাঁসিয়ে দেবো। [প্রস্থান।

মৃগায়ী। দেখ—চেষ্টা করে দেখ।

(জয়ার প্রবেশ)

জয়া । কার সঙ্গে কথা কইছিলে দিদি !

মৃগ্ময়ী । পরমেশ্বর শ্রেষ্ঠীর ছেলে—ওমা ! ও অত বড় হয়েছে, তা জানতুম না । অমন জানা ঘর, অমন সোণার ছেলে, তা তোর বাপ এ দিক উদিক ঘুরছে কেন ?

মৃগ্ময়ী । দিদি ! তুই এক কাজ কর দেখি— এই ফুলটো নিয়ে বাড়ীতে রেখে আয় দেখি ।

মৃগ্ময়ী । তুই কোথায় যাবি ?

জয়া । একবার চাকাদাসের কাছে যাব ।

মৃগ্ময়ী । ওমা ! সে বেটার কাছে তুই কি করতে যাবি ?

জয়া । দরকার আছে । এই ফুল নিয়ে ঘরে যা । কোথায় গেছি বাবাকে বলিসনি । [প্রস্থান ।

মৃগ্ময়ী । তার কাছে তোর কি দরকার ? ও জয়া জয়া— তাইত ব্যাপার খানা কি ? চাকাদাসের কাছে জয়া জেনে শুনে— তাইত কি হ'ল কি হ'ল ! [প্রস্থান ।

তৃতীয় দৃশ্য ।

চাকাদাসের গৃহ ।

চাকদাস ও হরিহর ।

চাকা । দরজা দে—দরজা দে—(কম্পন) বেটা খুন করবে বলে ঘুরে ঘুরে বেড়াচ্ছে ।

হারি । আর কি এখানে আসতে কেউ সাহস করে ।

চাকা । ওরে তবু কি জানিবে—মরিয়া মরিয়া—

হারি । (দরজা বন্ধ করিতে বাইয়া) বাবু বাবু !—

(সুরেশ্বরের প্রবেশ)

সুরে । দূর তোর বাবু ! চাকাদাস ! যদি জীবনে মমতা থাকে
ত আমার টাকা দাও ।

চাকা । পাহারাওয়ালা — জমাদার —

সুরে । তারা আসতে আসতে তোমাকে শেষ করবো । টাকা
দাও ।

চাকা । কিসের টাকা ?

সুরে । বাবা লাখ টাকা তোমাকে দিয়েছে ।

চাকা । লেখাপড়া কই ?

সুরে । বিশ্বাসে দিয়েছে, লেখাপড়া কি ?

চাকা । (হাস্ত) এক পয়সা কেউ কাউকে গিনি দলিলে
দেয় না—

সুরে । দেবে না ?

চাকা । ওরে বেটা কোতোয়ালীতে খবর দেনা ।

হরি । পাহারাওয়ালা — জমাদার —

সুরে । সাবধান — ঘর থেকে বেরুবি তোর মনিষকে মেরে
ফেলবো । (অঙ্গ বাহির করণ)

চাকা । ও বাবা — মেরে ফেলবে নাকি ?

সুরে । কি বল চাকাদাস ?

চাকা । আচ্ছা হিসেব করি ।

সুরে । চল ।

(জয়ার প্রবেশ)

জয়া । চাকাদাস !

সুরে । একি জয়া তুমি এখানে ?

জয়া । চাকাদাস !

চাকা । ষ্যা—ষ্যা—জয়া—জয়া ! উঃ ! বিরহ—দারুণ—
দুঃসহ—

সুরে । চোপ্—(চাকাদাসের কম্পন)

জয়া । চাকাদাস ! তুমি আমার পিতার ঋণ শোধ কর—
আমি তোমাকে বিবাহ করবো ।

চাকা । (উল্লাসে) হরে কৃষ্ণ—

সুরে । চোপ্—উল্লাস কিসের—আমি চোকের ওপর কি তা
হ'তে দেব । আচ্ছা আমি লাথ চাই না—তুমি জয়ার পিতার ঋণ
শোধ কর ।

চাকা । রাগ ক'র না—রাগ ক'র না—তোমার সব টাকাই
চুকিয়ে দেব—ওরে বাবুকে হাত পা মুখ ধোবার জল দে—জল দে
—খাবার দে -

সুরে । না, চাকাদাস, আমি আর কিছু চাই না । তুমি এই
বালিকার পিতাকে ঋণমুক্ত কর ।

চাকা । হবে হবে—ব্যস্ত হয়ে না—জয়া জয়া—কথা ঠিকত ?

জয়া । আমি মিথ্যে কইতে আসিনি—তুমি আমার পিতাকে
ঋণ মুক্ত করে আমাকে বিবাহ কর । তুমি যদি বিবাহ না করত
স্বতন্ত্র কথা—কিন্তু আমি প্রস্তুত ।

চাকা । আমিও জয়া—জয়া—আমি তোমার বিরহ—অহরহ—
দুঃসহ—

জয়া । তা হ'লে আজই শোধ করবে বল—

চাকা । আজ কি—এখনি—এস তোমারও টাকা দিই—
জয়ারও ঋণশোধ করি ।

হুয়ে । আমি এমন ক'রে টাকা চাই না । জয়া, দোহাই জয়া,
—ক্ষণেক অপেক্ষা কর—আমি যদি অল্প কোন উপায়ে তোমাদের
দেনা শোধ করতে পারি, তা হ'লে এ নরাধমকে আত্মসমর্পণ করতে
দেব না । প্রাণ থাকতে দেব না ।

[জয়াকে লইয়া প্রস্থান ।

হরি । বাবু ! হয়েও কি কসকে গেল ?

চাকা । আর কি যায়—ও বেটার কি আছে তা শুধবে—
লাভের মধ্যে লাখ টাকাটা যাচ্ছিল—সেটা বেঁচে গেল । নে চলে
আয়—আহা জয়ারে জয়া—একটু পানি দয়া না শিগ্গির যা বন্ধ
কোটা রামকে এখনি বলে আয়—টাকা আমি দেব, আর যেন
কারও কাছে সে টাকা না নেয় । আমি কোতোয়ালীতে পন্থর
দিয়ে রাখি—বেটা এলেই গ্রেপ্তার করিয়ে দেব ।

চতুর্থ দৃশ্য ।

উদ্যান ।

পুষ্পরথ ও চিত্রলেখা ।

পুষ্প । কি সই—ভবের ছাটের মজা দেখলে ?

চিত্র । তাতো দেখলুম !—কিন্তু এরা কি নির্দোষ ! এটু যে
সব অধর্মে ধন সংগ্রহ করছে, এরা কদিন তা ভোগ করবে
ক'দিন এখানে থাকবে !

পুষ্প । সেট্টেট্টে মজা !

চিত্র । তারপরত আমাদেরই ছাতে পড়বে ।

পুষ্প । সে যখন পড়বে, তখন বুঝে নেওয়া যাবে—এখন যা করতে এসেছি তাই কর ।

চিত্র । বেশ—স্বপনের বাগানে ফুল কোটাও ।

তুলিয়া পঞ্চমে তান কোকিল ধরয়ে গান
কর গান চকোর চকোরী ।

পরি গলে ফুল মালা এস এস ফুল বালা
বীণা বস্তু চাকু করে ধরি ।

মিলায়ে প্রাণের সনে এসলো মোদের গানে
কামী জনে পাড়ি ভূমিতলে ।

হিমালয়-নিদ্রা এনে মিলায়ে মলয় সনে
এস দিই চোখে তার ঢেলে ॥

পুষ্প । মায়ালতা রস সমীরণ সনে
মাথায়ে ধরায় করিছু দান ।

নুদিয়া যাইবে সবার নয়ন
ভাসিয়ে যাইবে সবার প্রাণ ॥

কোথা হ'তে আমি এসেছি কোথায়
কোথায় চলেছি কি নাম কার ।

সবাই ভাবিবে আকুল হইবে
যুম হ'তে কেহ পাবে না পার ॥

(সখীগণের প্রবেশ)

গীত ।

নিদাঘের বেলা কুরগী আকুলা

পিয়াসে ছুটিমু তটিনী-কুল

পরশিতে নীরে, বন ঘেরা তীরে

একটা ফুটিয়া উঠিল ফুল ।

পিপাসার বারি করিতে পান

গন্ধে আমারে দিলগো টান

পাছুতে নিষাদ ধরেছে বাণ

ছিঁড়িতে হৃদয় মূল

হতাশে অবশ, হরিল বল

নিরস নয়নে পুরিল জল

তথাপি রে বিধি কি তোর ছল

পরাণ বেড়িয়া জড়ালি ভুল ।

পঞ্চম দৃশ্য ।

কুড়োরামের অন্তঃপুরস্থ প্রাঙ্গণ ।

কুড়োরাম ও মানিনী ।

মানিনী । মুখে আগুন দেবতার—মুখে আগুন বিধেতার ।
একটা কান্না খোঁড়া ছেলে মেয়েও দিতে পারলে না গা !

কুড়ো । দিয়েত ছিল, তাও ছাই রইল কই ।

মানিনী । সে কি আর দিয়েছিল গা ! তামাসা করেছিল ।
পাঁচমাসেই জন্মাল—ছেলে হ'ল কি মেয়ে হ'ল, তাও বুঝতে পারলুম
না । হা ভগবান ! বুঝতে পারলে তার নাম ধরেও নাহয় হৃদও
কাঁদতুম ।

(নেপথ্যে শিশুর ক্রন্দন)

কুড়ো । কি হ'ল ! পুঁইয়াচার তলায় ছেলে কাঁদে কে !

মানিনী । কে কাঁদবে ! তুমিও যেমন—আমার ঘরে ছেলে
কাঁদবে এমন দিনকি হবে । ও কার ছেলে কোথায় কাঁদছে ।
কোথায় খেতে পাবে না, পথের ধলোয় গড়াগড়ি খাবে—বেছে

বেছে হতভাগাগুলো সেই ঘরেই আসবে। আমার ঘরে এলে সোণার পালঙ্কে শোবে—ক্ষীর ননী মাখম পাবে—পাঁচটা চাকর দাসীতে কোলে ক'রে নাচাবে, তা এখানে তারা আসবে কেন ?

কুড়ো। বাক, যা পাবার নয়, তার জন্যে আর ছুঁথ করে ফল কি ! এমন বরাত, লোকের একটা ভাগনি ভাগনা থাকে, তাও নেই।

মানিনী। তোমার না থাকলেত ক্ষতি ছিল না—আমারও একটা ভাই বন্ধু থাকতো ত তাদের ছেলে এনে মানুষ করতুম।

কুড়ো। বাক, আর ও চিন্তা ছাড়।

মানিনী। আহা বাছাকে আমার ওই পুঁইমাচার তলাতেই পুঁতে রেখেছিলুম।

কুড়ো। সে কথা তুলে আর কি হবে মানুষ ! যাই, আর একটা বিষয় হাতে আসছে, সেটাকে আনি। তারপর একটা পুষিপুতুর নেওয়া যাক।

মানিনী। কাজেই বিষয় যখন করেছে তখন নামটা বজায় রাখতে হবেতো। আহা ! বাছা আমার বেঁচে থাকলে ত্রিশ বছরের সা জ্যোয়ান হতো। ছেলে হলে হতো রাজপুতুর—আর মেয়ে হলে—

কুড়ো। আর বলোনা মানুষ—আর বলোনা। প্রাণেশ্বরী, মেয়ে বেঁচে থাকলে হতো বিদ্যধরী।

মানিনী। তার রূপের কাছে কি জয়া দাঁড়াতে পারতো !

(নেপথ্যে শিশুর ক্রন্দন)

কুড়ো। তাইতো। আবার কান্না ওঠে যে !

মানিনী। তাইতো গো ! পুঁই মাচার নীচেই যে শব্দ উঠছে।

(নিবারণ বেশে পুষ্পরথের প্রবেশ)

নিবা । হজুর ! হজুর !

কুড়ো । কিরে কিরে—কিসের শব্দরে ? (ক্রন্দন)

মানিনী । ওগো কান্না যে ক্রমে বাড়ছে এগিয়ে দেখোনা ।

কুড়ো । ও আটকুড়ীর বেটা এগিয়ে দেখনা কোথায় কার ছেলে কাঁদছে খোজ কর না ।

নিবা । খোজ করিছি হজুর ।

কুড়ো । কার ছেলে—কার ছেলে ?

নিবা । ছেলে নয় ।

মানিনী । মেয়েরই নতন গলা বটে ! কার মেয়েরে কার মেয়ে ?

নিবা । মেয়ে নয় !

কুড়ো । ছেলে নয়, মেয়ে নয়—তবে কি !

নিবা । এক রকম কি !

(নেপথ্যে—মা ! মা ! ক্রন্দন)

মানিনী । ওগো ! মা, মা করে কাঁদে যে গো ।

কুড়ো । তাইতো, এতক্ষণ ট্যা ট্যা করে কাঁদছিল—ভাল বুঝতে পারছিলুম না । এখন স্পষ্ট মা—মা বলছে যে । ও আটকুড়ীর বেটা কি দেখলি বল ।

নিবা । এতক্ষণ হজুর কল বেকছিল—তাই ট্যা ট্যা করছিল এইবারে গজালো ।

(নেপথ্যে—বা ! বা ! ক্রন্দন)

মানিনী । ওগো আবার বাবা বাবা করে যে গো—তোমাকে ডাকে যে গো ।

কুড়ো । তাইতো—তাইতো !

নিবা । এইবারে গাছ হ'লো ।

কুড়ো । গাছ হবে কিরে—বাবা—বাবা—করে গাছ হবে
কিরে !

নিবা । আর দেখতে দেখতে হয়ে পড়লো হুজুর—আর
হবে কি !

কুড়ো । কি হয়েছে খুলে বলবি তো বল—নইলে তোকে
মেরেই ফেলবো—পাজী নচ্ছার হতভাগা পাষাণ নিবে—

নিবা । হুজুর কি ওখানে কখনো কিছু পুঁতেছিলেন !

মানিনী । কেন বল দেখি ?

নিবা । তুমি আমাকে ওইখানে পুঁইগাছ পুঁতে বলণে না ?
আনি মাটিটা জলদে ভিজিয়ে যেমন চারাটি পুঁতে যাবো,—অমনি
মাটির ভেতর থেকে ট্যাঁ করে একজন গজিয়ে উঠলো ।

উভয়ে । বলিস কি—বলিস কি তারপর ।

নিবা । তারপর—যেমন আমি সেটাকে মাটি চাপা দিতে
গেছি, অমনি ম্যা করেই হাত পা ছুঁড়েই ডালপালা বার করে
ফুললে ।

উভয়ে । তারপর ?

নিবা । তারপর আর কি । বাবা বলছে আর হাঁ করেছে আর
চারিদিকে শেকড় গেড়ে গুঁড়ি হচ্ছে ।

কুড়ো । তাহলেই ঠিক হয়েছে । নান্নু—নান্নু—তোমার
গর্ভের ছেলে পুঁতে গাছ হবে—সে কি মরে ।

মানিনী । ওগো চলগো—কি হলো দেখে আসি । বাবা হলো
কি না হলো । ওগো ত্রিশ বছর বাছা আমার জল পাইনি গো ।

নিবা । ও বাবা ! তাই ! ত্রিশ বছর জল পাইনি—যেমন
জল পেয়েছে অমনি কিলবিল করে কেঁচোর মতন বেরিয়ে
পড়েছে ।

• মানিনী । কইরে চল চল দেখি ।

নিবা । এই যে—এই যে নাটী উসখুস করছে ।

কুড়ো । ওরে জল আছড়া দে—জল আছড়া দে ।

মানিনী । ওরে কেঁদে কেঁদে বাছার বুঝি দম আটকে গেলরে—
তোল তোল !

কুড়ো । ওরে বাবারে একি ! গরুড় ! গরুড় !

মানিনী । বাট ! বাট !—বলকি—মেয়ে—মেয়ে—আমার
বাছা—পুঁইমাচা থেকে বেরিয়েছে—আমার পুঁইমণি—

কুড়ো । মেয়েকিরে !

মানিনী । দূর কানা মিন্‌সে—আমার পদ্মফুল গোবরগাদা থেকে
বেরুচ্ছে—দেখতে পাচ্ছনা ।

পুঁই । ম্যা—

মানিনী । কি না—কি না ! ওগো শোন—কণ জুড়ুনো মা
কথাশোন—

পুঁই । বাবা—

মানিনী । শোনো—শোনো—জন্মসার্থক কর—কানে কি
তুলো দিয়ে রেখেছিস মিনসে—

কুড়ো । তাইত—তাইত—একি ব্যাপার মান্ন !

নিবে । ওগো হাঁ করেছে—হাঁ করেছে—

কুড়ো । তাইত—তাইত—হুধ ! ওরে নিবে হুধ আন্ ।

পুঁই । আমি কোলা ব্যাং খাবো ।

কুড়ো । এই এই—গরুড় ! গরুড় ! —

মানিনী । গরুড়-গরুড় করছকি—বাছা ত্রিশ বছর মাটির ভেতর ছিল—সেখানে কি দুধ আছে—তা থাকবে । বাছা আমার ব্যাং খেয়ে বেঁচে আছে ।

কুড়ো । বটে—বটে—দুধ—দুধ—ওরে নিবে দুধ—(পুঁই—সুন্দরীকে ছুঁদান)

মানিনী । পাও না আমার, পেটভরে দুধ খাও ।

পুঁই । ম্যা—

নিবে । ওগো চোক ঘোরাচ্ছে ।

মানিনী । কিমা ! কিমা !

পুঁই । আমি বিয়ে করবো ।

মানিনী । ওগো—ওগো ! শোন শোন—পুঁইমণি আমার বলে কি শোন ।

কুড়ো । দূর ! বিয়ে করবে কি !

মানিনী । কি আমার মেয়ে আইবুড়ো থাকবে ।

নিবে । পাত্র দেখবো—পাত্র দেখবো—

মানিনী । এখনি—পাত্র দেখ, নিবে পাত্র দেখ ।

[নিবের প্রস্থান ।

কুড়ো । কি পাগলামি করছ মাতু ! এমেয়েকে তোমার বিয়ে করবে কে ?

পুঁই । আমি রাজ্যবর বিয়ে করবো ।

মানিনী । ওই শোনগো—ওই শোন—জন্মেই বুঝি পুঁইমণি আমার বিরহে মারা যায় ।

কুড়ো । আরে দূর মাগী—এ মেয়েকে কে বিয়ে করবে ?

(পুষ্পরথ ও সুরেশ্বরের প্রবেশ)

নিবে । মিলেছে—পাত্র মিলেছে—

সুরে । আমি বিয়ে করবো—কই কুড়োরাম বাবু ! তোমার মেয়ে—

কুড়ো । ওই আমার মেয়ে—ওকে বিয়ে করতে পারবে ?

পুঁই । আমি রাঙা বর বিয়ে করবো ।

মানিনী । তা বাবু ! তুমি যদি আমার মেয়েকে নাও—তা'হলে যা কিছু আমার আছে, সবই তোমার ।

সুরে । এই মেয়ে ! (স্বগতঃ) এত একটা পেত্নী—তাইত কি করি—জয়া জয়া—তোমার উদ্ধারের জন্তে আমি এই ত্যাগটা স্বীকার করতে পারবো না ।

কুড়ো । কি ভাবছ, পারবে—

নিবে । বিয়ে ক'রে ফেল বাবু ! বিয়ে ক'রে ফেল । —দেখছো না—কচি কচি হাঁ !

কুড়ো । তুই বেটা থাম ।

নিবে । মাটি চাপাছিল বলে হাত পা ভাল গজায়নি—ওই ছাঁচি কুমড়োর ভেতরে সব আছে । ছাঁদনাতলার জল গায়ে লাগলেই—করকর করে সব গজিয়ে উঠবে ।

কুড়ো । পাজী বেটা ! থামতে পারনা—

মানিনী । কেন নিবেত ঠিক বলেছে—এই সবে বাছার চোক ফুটেছে, এর পর সুরিধে মত হাত পা নবার করবে ।

কুড়ো । কি বল—

সুরে । পারি, তুমি যদি আমাকে আজ সন্ধ্যার মধ্যে দশহাজার টাকা দাও ।

কুড়ো । আর তুমি টাকাটা হাত করেই সরে যাও ।

সুরে । আমি চুক্তি পত্রে লেখাপড়া ক'রে দিচ্ছি ।

কুড়ো । বেশ, চল—তাহ'লে সঙ্গে কেন—এখনি টাকা দিচ্ছি ।

মানিনী । এস বাবা—এস বাবা—এস—দশহাজার বলছ
কি, সবই তোমার !

পুঁই । ট্যা—ট্যা !

মানিনী । আবার ট্যা ট্যা কেনরে বেটী ! এই যে তোর
রাঙ্গা বর হল ।—

নিবে । ওগো দুধ খেয়ে পুঁইমণি জাবর কাটছে—

মানিনী । তোর বাবা জাবর কাটুক—নে চল—মাকে
নিয়ে চল ।

ষষ্ঠ দৃশ্য ।

চাকাদাসের কক্ষ ।

চাকাদাস ও জয়া ।

চাকা । জয়া—জয়া—প্রাণের জয়া—তুমি আবার এসেছ !

জয়া । এসেছি—ঋণের জালার জর্জরিত হয়ে এসেছি ।
ঋণদায়গ্রস্ত পিতার কষ্ট দেখে এসেছি । চাকাদাস বাবু, আমাকে
গ্রহণ ক'রে, তুমি আমার পিতাকে ঋণমুক্ত কর ।

চাকা । সব করবো—জয়া—প্রাণের জয়া—হৃদয়েধরী—আমার
হৃদবৃন্দাবনের প্রেমবিহ্বলা কিশোরী—মরি মরি—কি মাধুরী !
সব করবো—সব করবো—জয়া—তুমি আর হয়োনা নিদয়া ।—

জয়া । আমি তোমার কথা বুঝতে পারছি না । কুড়োরাম আমার পিতাকে লাঞ্চিত করছে—

চাকা । আর তার সাধা কি—তুমি যখন আমার হয়েছ, তখন আর কার বাবার ক্ষমতা তোমার বাবাকে লাঞ্চিত করে । সব করবো ? তোমাকে গ্রহণ করবো, আর তোমার বাবাকে ঋণমুক্ত করবো । প্রাণেশ্বরী—কাছে এস—একবার প্রাণেশ্বর বল—একবার বাহুলতা প্রসারণ করে—আমার প্রাণের বিরহকে আঁকড়ে, তাকে চেপে মেরে ফেলতে ফেলতে বল, “প্রাণেশ্বর !” তোমায় আমি কত ভালবাসি ! কেবল ভালবাসি—ভালবাসার ওপর বাসি—দিবানিশি পাশাপাশি হাসাহাসি আর ভাসাভাসি ।

জয়া । আমি তোমার এ সকল কথা কিছু বুঝতে পারছি না ! পিতার মলিনমুখ, ছলছল চোখ দেখে এসেছি—

চাকা । সব সেরে যাবে—সব সেরে যাবে । ত'দশহাজার টাকার কথা কি বলছ—আমার সর্বস্ব তোমার হবে ।

জয়া । কই, দাও—আমি সর্বস্ব চাই না—সামান্য অর্থ—পিতার ঋণ—কই চাকাদাস বাবু, দাও ।

চাকা । বাস্তব হইলোনা—যখন তুমি আমার, তখন সব তোমার ।

জয়া । মুখে বলছ না প্রাণে বলছ ?

চাকা । প্রাণে প্রাণে—হৃদয় কমলের মাঝখানে । দেখ—দেখ বিশ্বাস না হয়ত নগ-কুড়ুল দিয়ে চিরে দেখ । বিরহ—দারুণ দারুণ বিরহ—অহরহ—ঃঃঃ জয়া সেট বিরহ আগুনে জল দাও, আর আমার সিন্দকের চাবী নীও ।

জয়া । তাহ'লে কি করতে হবে বল ।

চাকা । তোমার বাপকে নিয়ে এস—সে এসে গিরিমেষ্ট

লেখাপড়া ক'রে দিক --আর সমস্ত ঋণের টাকা চুকিয়ে নিয়ে যাক । . ডান হাতে চুক্তি আর বাঁ হাতে টাকা ।

জয়া । আমার কণায় বিশ্বাস হ'ল না, চাকাদাস বাবু !

চাকা । হা হা হা—কি জান জয়া—তুমি নাবালিকা—রাজার আইন বড় কড়া—নাবালকের সইত গ্রাহ্য হবে না । জয়া ! ছনিয়াটা চলনা—নইলে তোমায় বিশ্বাস করবো না ! তোমার চাঁদমুখ, মরি মরি—বিশ্বাসের লবঙ্গলহরী ।

জয়া । হুঁ—তাতো বুঝতে পারিনি ।

চাকা । তারপর কি জান জয়া ! তুমি যখন আমার প্রাণেশ্বরী তখন তোমার কাছে গোপন করব না । আমার অনেক দুঃখের টাকা, তোমার প্রাণটা এখনও ফাঁকা ফাঁকা । সঙ্গে সকল কুয়ের গোড়া, দেখেছি একটা উচকা ছোঁড়া । তোমার বাপকে আন—বিবাহের চুক্তি কর—টাকা নাও ।

জয়া । সেও সে আমার মতন ভিপিরা—তার চোখের জলে ত আমার ঋণ শোধ হবে না ।

চাকা । তাতো হবে না -- কিন্তু কি জান--সে বেটা মারাবীর চোখের জল—তোমারও প্রাণটা তরল—ও দুই তরলের মাঝখানে চাকাদাসের টাকা—প্রাণেশ্বরী—ডুবুরী নাগালেও আর খুঁজে বার করতে পারবো না ।

(রঘুবরের প্রবেশ)

রঘু । জয়া -জয়া রক্ষা কর—মণ্ডবেদনা দিস্নি—আমার সর্বস্ব যাক--তোকে নিয়ে আমি পথে পথে ভিক্ষা করবো ।

চাকা । ওই শোন—ওই শোন

রঘু । তথাপি এ অক্লান্ত বিশ্বাসঘাতক ভৃত্যের হাতে তোকে দিতে পারবো না ।

জয়া । দোহাই পিতা রক্ষা করুন, আমি সন্তুষ্ট চিত্তেই এখানে এসেছি—সব বুঝে এসেছি । মনে মনে প্রতিজ্ঞা করেছি, যেদণ্ডে কুড়োরাম আপনার হাত ধ'রে আপনাকে ঘরের বার করে দেবে, সেই দণ্ডেই আমি আত্মহত্যা করবো—দাও বাবা, অনুমতি দাও ।

রঘু । একান্তই গুনবিনি ।

জয়া । একান্তই গুনবোনা । আপনি সই ক'রে দিন, দিয়ে খাণের টাকা গ্রহণ করুন ।

রঘু । চাকাদাস ! কাগজ কলম দাও—কি লিপিতে হবে বলে দাও ।

চাকা । এস এস—অচ্চ পরে এস ডান হাতে চুক্তিতে সই কর, বাঁ হাতে টাকা নাও ।

সকলের প্রস্থান

(স্বরেধরের প্রবেশ)

স্বরে । কই কোথায় জয়া ? টাকা নিয়ে ঘুরে বেড়াচ্ছি—কই কোথাও তাদের দেখতে পাচ্ছি না । তার বাপকে পর্যাস্ত দেখতে পাচ্ছি না কেন ? জয়া জয়া—তবে কি আমার কেবল পশুশ্রম হ'ল—তুচ্ছ টাকা নিয়ে একটা প্রেতিনীকে বিবাহ করতে হ'ল—যার উদ্ধার সংস্কল্পে এ কাজ করলুম, তাকে কি তাহ'লে রক্ষা করতে পারলুম না । বালিকাও আমার সঙ্গে সঙ্গে একটা প্রেতের হাতে পড়ল ! জয়া—জয়া ।

[প্রস্থান ।

(জয়া ও রঘুবরের প্রবেশ)

রঘু। কি করলি মা ! এখনও আমার হাত কাঁপছে—
আমার বুক ফেটে যাচ্ছে। জয়া ! এত কি তোর অভিমান
হ'ল যে, শাশানের যাত্রীকে আত্মসর্পণ করলি !

জয়া। কিছু দুঃখ করবেন না বাবা, আমার বরাতে বৃদ্ধ
স্বামী আছে, আপনি কি করবেন। নিশ্চয়, এই টাকা এখনি
কুড়োরামকে দিয়ে আসুন।

(সুরেশ্বরের পুনঃ প্রবেশ)

সুরে। এইয়ে এইয়ে—জয়া জয়া—আমি তোমার বাপের
জন্মে টাকা এনেছি।

জয়া। হা ভগবান, এতক্ষণ পরে !

রঘু। তুমি—তুমি পরমেশ্বর শ্রেষ্ঠীর ছেলে সুরেশ্বর ! আ
সন্নানাশী—সর্বনাশ করলি—অপেক্ষা করতে পারলিনি।

সুরে। কি করেছ !

জয়া। আমি অঙ্গীকারে আবদ্ধ হয়ে এসেছি।

সুরে। আবদ্ধ হয়েছ—আর আমি যে তোমাকে উদ্ধার
করতে দুর্গন্ধময় পঙ্কে ডুব দিয়ে এলুম।

জয়া। সে কি—কি করলে সুরেশ্বর বাবু ?

সুরে। কি করলুম ! বলতে আমার গুণ্ডার আসছে।
আমি এক প্রেতিনীকে বিবাহ করতে অঙ্গীকারবদ্ধ হয়ে
এসেছি।

জয়া। হা ভগবান, তোমারও আমার মতন অদৃষ্ট !

সুরে। আমার অদৃষ্টে যা থাক, তোমাকে আমি কখনও
পিশাচের হাতে পড়তে দেব না।

(চাকাদাসের প্রবেশ)

চাকা । কি, কি- গোলমাল কিসের ?

• সুরে । চাকাদাস বাবু—এই তোমার টাকা নাও—নিয়ে চুক্তিপত্র ফিরিয়ে দাও ।

চাকা । টাকা—টাকা ! তা দিতে ইচ্ছে কর দিতে পার, তবে কি জানো চুক্তি—তাতে আমার বড় ভক্তি ।

সুরে । আমার পিতার গচ্ছিত লাখ টাকা, তার দাবী ছেড়ে দিচ্ছি—তার ওপর আবার টাকা দিচ্ছি ।

চাকা । তোমার বাপের টাকা—মিনি খতে রাখা—উঃ ! সে কতবড় ঝাকা—হাতে আগি আকাশের চাদ পেয়ে, আমি তোমাকে ধরে দিই—কি প্রাণেশ্বরী ! আমাকে কি বোকা পেয়ে ঠকাতে এসেছিলে ?

জয়া । না চাকাদাস বাবু !

চাকা । প্রাণেশ্বর বল—পরসা দিয়েছি—প্রাণেশ্বর বল—বা একবার আমার সিন্দুক চুকেছে, তা কখনও বোরোয়নি—আজ প্রথম বেরুলো—প্রাণেশ্বর বল—প্রাণেশ্বর বল ।

জয়া । আমি যখন তোমাকে আত্মবিক্রয় করেছি, তখন তোমাকে তোমার ইচ্ছামত সম্বোধন করতে আমার বাধা নেই । কিন্তু তুমি যদি এর পরে আমাকে না নাও !

চাকা । আমি তোমাকে নেবোনা ? প্রাণেশ্বরী—অহরহ—বিরহ—দারুণ দুঃসহ—তোমাকে আমি নেবোনা ! তোমার বাপ বিবাহের এখনি উদ্যোগ করুক—আমি তাহলে আর তোমাকে ঘরে পর্যাস্ত ফিরতে দিইনা । প্রাণেশ্বরী ! মরি মরি—কি

বিরহ—অহরহ—দুঃসহ—আর ঘরে যাবার দরকার কি ! বল।
এইখানেই পুরুত ডাকি ।

রঘু । ছি—ছি—এ আমি কি করলুম ! একটা এঁদো পুকুরে
আমি সোণার প্রতিমা বিসর্জন দিলুম ! এইনে জয়া তোর টাকা
নে—আমি মোহে পড়ে কি করলুম বৃকতে পারলুম না—এই নে
তোর টাকা—তোর যা অভিরুচি তাই কর । [প্রস্থান ।

জয়া । তাইত কি করলুম ! চাকাদাস বাবু ! বাবা যখন
টাকা ফেলে চলে গেলেন, তখন আমি কি করবো । আপনার
টাকা নিয়ে চুক্তিপত্র ফিরিয়ে দিন ।

চাকা । কিছুতেই দেব না ।

সুরে । ও টাকাও নাও—আমার টাকাও নাও—নিয়ে
জয়াকে রেহাই দাও ।

চাকা । কিছুতেই দেব না । বাড়াবাড়ি করত রাজ্যকে
চুক্তিপত্র দেখাব—মিষ্টি কথায় কাজ না হয়, চুলের ষ্টি ধরে
টেনে এনে বিয়ে করবো । কে আছিস্ ? একে আর বেতে
দিস্নি—ঘরের ভেতর পুরে রাখ ।

নেপথ্যে পুষ্পরথ । হজুর হজুর !

চাকা । কিরে—কিরে ।

নেপথ্যে । শিগ্গির এসো ।

চাকা । কেনরে ?

নেপথ্যে । ভারী মজা—শিগ্গির এসো—নইলে দেখতে
পাবে না । শিগ্গির শিগ্গির ।

চাকা । জয়া ! শিগ্গির ঘরে গিয়ে প্রস্তুত হও । আমি
শিগ্গির বরমালা গলয় দিয়ে বিবাহ করতে যাবো ।

নেপথ্যে । শিগ্গিরি শিগ্গিরি ।

চাকা । যাচ্ছিবে বেটা—আর দেখাদেখি করছ কি—আমার কাছে প্রবঞ্চনা চলবে না । আর আমি তোমাকে ছেড়ে দিচ্ছি না ।

জয়া । তাইত ! তুমি কি করলে সুরেশ্বর !

সুরে । আমি যে তোমার জন্তে করেছি জয়া ! কিন্তু করেওত কিছু করতে পারলুম না !

জয়া । আমার অদৃষ্টে যা ঘটবার তাতো ঘটেছে—তুমি আর মিছিমিছি কষ্ট পাও কেন ? যাও—সুরেশ্বর—চলে যাও ।

সুরে । কি হ'ল জয়া ! হৃদয় যে তোমাকে দেখাতে পারছি না ।

জয়া । আমিওত তোমায় দেখাতে পারলুম না সুরেশ্বর ! তাহলে বিদায় নিই, ক্ষুদ্র পাখী না বুকে বাধের জালে বাঁধা পড়েছি ।

(প্রহরীর প্রবেশ)

প্র । একি ! জামাই বাবু ! রূপেয়া লেকে, সাদীকো গ্রিমেণ্ট করকে ভাগতা হ্যায় কাহে—ভদ্র আদমিকো কি য্যায়সা কাম হ্যায় । চলিয়ে—চলিয়ে—হজুর বোলাতা চলিয়ে—হজুরকো বেটীকো সাদী করিয়ে ।

সুরে । তাহলে চললুম জয়া ।

জয়া । কোনমুখে একথা বলব—আমি, চললুম ।

দৈত গীত ।

ভুলে ভুলে দেখা

ভুলে মনে রাখা

ভুলে যাও সখা আমারে ।

সুরে । যেমন দেগেছি

হৃদয়ে নৈঃশব্দি

কেগনে ভুলিল তোমারে ॥

জয়া । (আমি) লুকাতে চলিলু ঝাঁধার ভবনে

মূরে । 'অ'মি' দিশাচারা বরি বনে..

জন্ম। । সুপনের খেলা

মূরে । জেগে কেন ছালা

ভয়। । রেখে। মনে

ভূরে । রেখো মনে

উভয়ে । বাপনে হ'জনে ভাসিয়া চলিতু তটিনীর হু টা পারে ॥

সপ্তম দৃশ্য ।

চাকাদাসের বাটার দরদাজান ।

চাঁকাদাস ।

চাকা। তাইত হুজুর বলে কে ডাকলে ? কই কাউকে ওত
দেখতে পেলুম না।

(চরিত্রের প্রবেশ)

হরি । হুজুর--হুজুর--ভারী মজা ।

চাকা। তুই কি আমাকে ডাকলি ?

हरि । कइ ना ॥

'ঢাকা'। তবে আমাকে ডাকলে কে ?

হরি। তা কি করে জানবো? আমি একটা গজা দেখে আসছি।

চাক। কি যজ।

হরি। কুড়োরামের সঙ্গে একটা ছোঁড়ার কেজিয়া হচ্ছে।

ছেঁড়াটা কুড়োরামের মেয়েকে বিয়ে করবার জন্তে গ্রামেণ্টে সই করেছে। সই করে টাকা নিয়েছে। এখন সে টাকা ফিরিয়ে দিতে চায়, বিয়ে করতে চায় না।

চাকা। কেন বল দেখি--

হরি। মেয়েটা নাকি একটা পেত্নী-ছেঁড়াটা টাকার লোভে বিয়ে করতে চেয়েছিল--এখন বৃষ্টি মতি ফিরেছে।

চাকা। যা যা বারণ করে আয়--বারণ করে আয়--কিছুতেই যেন কুড়োরাম টাকা ফেরত না নেয়।

[হরিরত্নের প্রস্থান।

ঠিক হয়েছে--যেমন ছেঁড়া বচমায়ের, তেমনি জন্মে পড়েছে--বেটা আমার বিয়ে ভাঙচি দিতে এসেছিল! আমার প্রাণেশ্বরী স্বর্গের বিজ্ঞাপরী সেটাকে নেবার চেষ্টায় ছিলে ঠিক হয়েছে, বরাত পেত্নী ছুটে গেছে।

(চিত্রলেখার প্রবেশ।)

চিত্র। হাঁ চাকাদাস বাব! আমি কি পেত্নী ?

চাকা; যঁা যঁা--তাইত তাইত--কে তুমি ?

চিত্র। আগে বলনা--আমি কি পেত্নী ?

চাকা। যঁা যঁা--আমি ত এমন রূপ কখন দেখিনি।

চিত্র। জয়া সুন্দরী বিজ্ঞাপরী--আর আমি পেত্নী ?

চাকা। তাইত তাইত--কে তুমি ?

চিত্র। জয়ার জন্তে তোমার অহরহ বিরহ--দারুণ--তঃসহ--আর আমার বেলায় একটা দীর্ঘনিশ্বাসও তোমার নেই ?

চাকা। ও! ও! তোমার জন্তে আমি আজন্ম দীর্ঘনিশ্বাস ফেলতে পারি।

বাসন্তী ।

চিত্র । জয়ার জন্তে তুমি দশ হাজার টাকা দিতে পার, আর আমার জন্তে এক কড়া কাণা কড়িও খরচ করতে পারনা ।

চাকা । ও ! তোমার জন্তে আমি যথাসর্বস্ব খরচ করতে পারি ।

চিত্র । অথচ জয়ার জন্তে তোমার খরচ—আমার জন্তে তোমার এক কড়াও খরচ নেই ।

চাকা । যাঁ !

চিত্র ! আমি ধনীর একমাত্র কল্যা—অগাধ টাকা—আমাকে পাবে—সঙ্গে সঙ্গে টাকা পাবে ।—

চাকা । একি সত্যি ?

চিত্র । দেখ—আমার মুখ দেখ—আমার চোক দেখ—দেখে বোঝা সত্যি কি মিথ্যা ।

চাকা । ও !! মাথা গুলিয়ে যাচ্ছে ।

চিত্র । চাকাদাস বাবু, তাহ'লে জয়াকে তাগ করে, আমাকে নিতে পার ?

চাকা । খুব পারি—তুমি যদি—আশ্বাস দাও—তাহ'লে এখনি পারি ।

চিত্র । না, তুমি রহস্ত করছ—বুঝি পারনা ।

চাকা । কি পারিনা—তুমি হুকুম কর—বল আমার হবে—আমি দশ হাজার টাকাও ছেড়ে দিচ্ছি—জয়াকেও ছেড়ে দিচ্ছি ।

চিত্র । উঁহ ! বিশ্বাস হচ্ছে না ।

চাকা । কেন বিশ্বাস হচ্ছেনা ?

চিত্র । তুমি জয়াকে দেখে কতবার প্রাণেখরী বললে কিন্তু আমাকেও বললে না ।

চাকা । তোমাকে—তোমাকে ? বলতে কেমন ভয় পাচ্ছি ।

চিত্র । তবেইত হ'ল—আমাকেও নেবে, জয়াকেও নেবে—
আমাদের দুই সতীনে খুনোখুনি বাধিয়ে তুমি মজা দেখবে ।

চাকা । কখনই নেবোনা ।

চিত্র । চাকাদাস বাবু ! শুধু তুমি মুখই দেখছ, আমার
কথাতো শুনতে চাইছনা ।

চাকা । শুনছিনা—মধু মধু ।

চিত্র । ওতো জলো মধু—একটু ঘন—একটু গান ।

চাকা । যাঁগা যাঁগা—আমার ভাগো কি তা হবে ?

চিত্র । আমি তো শোনাবার জন্যে ব্যাকুল, কিন্তু তোমায় ভাল
দিতে হবে যে ।

চাকা । এখনি দেবো—হাতে মাথায় পায়ে, গড়াগড়ি
দিয়ে—যাতে হুকুম করবে ।

চিত্র । বেশ তবে শোন ।

গীত ।

বঁধু ধারে ধারে হান নয়ন বাণ

যমন দেখা গুলিয়ে পাখা উড়ে গেল প্রাণ

তোনার কোটির ঢোকা নয়নের নাকে

গরীব তারা গেছে চুয়ে কটা হয়ে নিজেরই ঝাঁঝে ।

ভাতে কি কটাক্ষ সাজে—

ওতে পেটের পিলে চমকে ওসে বুকে ধরে তাঁপের টান ॥

কেমন ?

চাকা । চিটে চিটে চিটে মধু—মাছির মতন জড়িয়ে
গেছি, রক্ষা কর—প্রাণ জর জর—প্রাণে—

চাকাদাসের গীত ।

চাষা কি মদের সুদ জানে ।

জঙ্গলী না হলে প্রাণ জহর কি চেনে ।

গলায় পেয়ে মতি-হার

বানর কি মান রাখে তার

কেটে করে ছারখার

ভড়িয়ে দেয় কচু বনে ।

আমার সদয়-পিপায় সুখার লহরী,

দেখবা মাত্র কাটতে সাতার ঝাপ দিলে মরি

প্রেমের কি বাহাচুরী ।

এইবার ভাসিয়ে তরি প্রাণ কিশোরী

হাল ধর তার মাঝখানে ।

চিত্র । কই প্রাণেশ্বরী ত বেরুলোনা ।

চাকা । বেরুবে-দোহাই—বেরুবে—এখন কেমন গুতমত
খেয়ে যাচ্ছি।

চিত্র । তাহ'লে তুমি আমার স্মৃথে জয়ার সঙ্গে ওই
ছোঁড়াটার বিয়ে দিয়ে দাও ।

চাকা । ও ছোঁড়াটার সঙ্গে কুড়োরামের মেয়ের সম্বন্ধ
ক'য়ে গেছে ।

চিত্র । আর্মিই যে কুড়োরামের মেয়ে ।

চাকা । যা ! সে কি ! এই যে গুনলুল তার মেয়ে পেঙ্গী ।

চিত্র । এই যে পেঙ্গী তোমার স্মৃথে দাঁড়িয়ে ।

চাকা । বা ! বা !

চিত্র । বাবা আমাকে এতকাল লুকিয়ে রেখেছিল—কেন

রেখেছিল বলব—আমার মা বাপের ইচ্ছে, তারা আমাকে চোখের আড়াল করবেনা। তাই একটা মনের মতন ঘর জামাই খুঁজছিল। পরমেশ্বর শ্রেষ্ঠীর ছেলে সর্বস্বান্ত হয়েছে তাই ঘরজামাই হতে রাজী হয়েছে। কিন্তু আমি জানতে পেরেছি সে জয়াকে ভাল বাসে, জয়া তাকে ভালবাসে। জেনে রাগে আমি তোমার কাছে এসেছি।

চাকা। যাঁ যাঁ—আমার এত ভাগা!

চিত্রা। ঈর্ষা—নারীর ঈর্ষা তুমি জাননা। নারী ঈর্ষায় ক্ষীর ফেলে নিম খায়—আমার বর যে জয়াকে ভালবাসে সেই জয়া তোমাকে বিয়ে করবে! আমি একটা ও পাবনা, সে দু'টো পাবে! এও কি সহ্য হয়—তাই আমি তোমাকে বরণ করতে এসেছি।

চাকা। তা বেশ করেছ—কিন্তু ঈর্ষাতেই যদি এসেছ, তবে জয়াটাকে আবার ছোঁড়ার হাতে দিতে চাচ্ছ কেন?

চিত্রা। কি করব—নিরুপায়—বাবা তার সঙ্গে আমার বিয়ের চুক্তি করে ফেলেছে। সেত জয়াকে না পেলে আমাকে ছাড়বেনা। ভিখিরীর অহঙ্কার আমি সহ্য করতে পারছি না। তুমি ছোঁড়াটার সঙ্গে জয়াটার বিয়ে দাও।

চাকা। তার পরেই তুমি সটকে যাও।

চিত্রা। বেশ আগেই আমাদের বিন্যাসের ব্যবস্থা কর।

চাকা। বেশ বেশ—এখন।

চিত্রা। তাহলে আমি নিশ্চিন্ত ঠায়ে যাই।

চাকা। তোমার বাপ যদি তোমাকে না দেয়।

চিত্রা। না দেয়, তুমি জয়াকে ছেড়না। আমি বাড়ীতে

গিয়েই গলায় দড়ী দিয়ে মরবার ভয় দেখাবো. তাহলেই বাবা দিতে পথ পাবে না ।

চাকা । আহা ! এত ভালবাসা—মরি মরি—এতদিন কোথায় ছিলে প্রা—প্রা—

চিত্র । বলনা প্রাণেশ্বরী !

চাকা । কেমন আটকে যাচ্ছে ।

চিত্র । আচ্ছা এর পরে সড়গড় হয়ে যাবে ! দেখো যেন আমায় ভুলোনা ।

চাকা । কেমন ক'রে তোমায় না দেখে বাঁচবো ।

চিত্র । দেখ বাবা এলে লেখাপড়া পাকাপাকি করে নিয়ে ।

চাকা । সে তোমায় বলতে হবেনা—এখন আবার বিরহ—দারুণ—দুঃসহ ।

চিত্র । একটু হোক—একি কথা—জয়ার জন্মে অহরহ দারুণ দুঃসহ—আর আমার জন্মে একবেলাও হবে না । আর দেখ পাছে রাজা জানতে পেরে আমাকে হরণ করে নিয়ে যায়, এইজন্মে বাবা আমাকে কুৎসিত বলে রটিয়ে রেখেছে ।

চাকা । রবেছি ।

চিত্র । সে হাজার কুৎসিত বললেও তুমি শুনোনা ।

চাকা । কিছতেই না ।

চিত্র । বাবা প্রীমেন্টো করবার ভয় দেখাবে ।

চাকা । আমি অমনি ঝাঁচ কদুরে সই করে দেব ।

চিত্র । তাহ'লে এখন আসি ভাই ।

চাকা । এস ভাই এসো—জন্ম জন্ম এসো—কাছে ঘেঁসে বস ।

চিত্র । দেখো—আমি যেতে না যেতে আবার না ভুলে
যাও ।

চাকা । ও বাবা !

[চিত্রলেখার প্রস্থান !

(কুড়োরামের প্রবেশ)

কুড়ো । চাকাদাস বাবু, চাকাদাস বাবু !

চাকা । তাইত তাইত মেঘ না চাইতেই জল—আমুন—
আমুন ।

কুড়ো । বলত ভাই কি করি ?

চাকা । ব্যস্ত নয়—ব্যস্ত নয়—বসুন, বসুন—ওরে এসেছেন
—তিনি এসেছেন—আসন দে—আসন দে ।

কুড়ো । থাক—থাক আসনের কোনও প্রয়োজন নেই ।
এখন বল দেখি ভাই কি করি ।

চাকা । বাপু বলুন—বাছা বলুন ।

কুড়ো । সেকি—আজন্ম ভাই বলে এলুম—আজ বাপু
বলবো কিহে—

চাকা । অবশ্য বলবেন—ভগবান আপনাকে বলতে
দিয়েছেন ।

কুড়ো । সে কি—তুমি যে আমার চেয়ে দশবছরের বড় ।

চাকা । ছেড়ে দিন—ছেড়ে দিন—ও আমার দেড় পলে
মাস আর পাঁচ পলে বছর—বসুন বসুন—বয়সেতে বিজ্ঞ নয়,
বিজ্ঞ হয় জ্ঞানে—ওরে উল্লুক গাধা—আসন—আসন ।

কুড়ো । আসন নয়—আমি বসতে আসিনি—তোমার
কাছে একটা পরামর্শ জানতে এসেছি । পরমেশ্বর শ্রেষ্ঠীর

ছেলে, আমার মেয়েকে বিয়ে করবে বলে সই করে দশহাজার টাকা নিয়ে পালিয়েছে।

চাকা। বেশ করেছে।

কুড়ো। বেশ করেছে কিহে—আমার দশ দশ হাজার টাকা।

চাকা। আমি দেব—তুচ্ছ দশহাজার টাকা—আমি দেব।

কুড়ো। তার পর আমার মেয়ের বিয়ের কি হবে! আমি দেশ শুদ্ধ লোককে যে নিমন্ত্রণ করে বসেছি।

চাকা। বেশ করেছেন—লোকজন সব আসবে—খাবে ছাঁদা বাধবে।

কুড়ো। একি, তুমি পাগল হয়েছ নাকি!

চাকা। আপনার মেয়ের বিবাহ কি পড়ে থাকবে—আমি তবে রয়েছি কি করতে?

কুড়ো। তুমি রয়েছ কি—তুমি কি আমার মেয়েকে বিবাহ করবে?

চাকা। করবো বলে চাতকের মতন আপনার আসা পথ চেয়ে দাঁড়িয়ে আছি। দেখুন আপনিও যক্ষি—আমিও যক্ষি—আমাদের ধন দুটো ছোঁড়া ছুঁড়িতে উড়িয়ে দেবে!

কুড়ো। তুমি সত্যি বলছ, না তামাসা?

চাকা। ও বাবা! আপনি গুরুজন, আপনাকে আমি তামাসা করবো।

কুড়ো। আমার মেয়ে কি রকম, তুমি জান?

চাকা। সে কি আর জানতে হয়—আপনাকেও জানি.

আপনার জীকেও জানি—তাতে আপনার মেয়ে কেমন, তা আর জানবো না !

কুড়ো । আমার মেয়ে বড় কুৎসিত—

চাকা । আমি কুৎসিত বিবাহ করতে বড় ভালবাসি ।

কুড়ো । তামাসা করনা চাকাদাস বাবু !

চাকা । দোহাই—তামাসা করছি না—বিশ্বাস না হয়, এখনি গিরিমেন্টে লেখাপড়া করে দিচ্ছি—সেই ছোঁড়ার টাকাটা পর্যন্ত দিয়ে দিচ্ছি—কুড়োরাম বাবু—অহরহ—দারুণ—বিরহ—দুঃসহ ।

কুড়ো । তা হলে ভালই হয় যে হে—বা ! বা ! কি বরাত কি বরাত ! তোমার মতন বিজ্ঞ জামাই যদি পাই, তাহলে কি সেই উড়নচোড়ে ছোঁড়াটাকে মেয়ে দিই—ছোঁড়া আমার টাকা নিয়ে জয়ার বাপকে দিতে গেছে ।

চাকা । আশুন আশুন—সই করে দি ।

কুড়ো । এখনি ।

চাকা । এখনি—শুভমুখীপ্রঃ—ওকি আর দেরি করতে আছে ।

কুড়ো । তাইত—ব্যাপারত কিছু বুঝতে পারছি না—আমার মেয়েকে দেখে এ কি করে তার জন্তে পাগল হ'ল । যাই হ'ক—দেখতে পাচ্ছি আমার বরাতে চাকাদাসের সম্পত্তিটে নাচছে ।

চাকা । চলে আশুন—চলে আশুন । [উভয়ের প্রস্থান ।

(চিত্রলেখা ও জয়া)

চিত্র । কান্না কিসের জয়া ! এখনি তুমি মুক্ত হয়ে যাবে—
ভাবনা কি ?

জয়া । নিজে পায়ে শিকল বেঁধেছি—কেমন করে মুক্ত হব !

চিত্র । পিতার মুক্তিকামনায় যে আত্মোৎসর্গ করতে জানে, তাকে বাঁধে কে জয়া ? নিশ্চিন্ত হও, কেঁদোনা—এখনি তুমি মুক্ত হবে ।

[চিত্রলেখার প্রস্থান ।

(কুড়োরাম ও চাকাদাসের প্রবেশ)

কুড়ো । বস্ বস্ আর বলতে হবে না—আমি এখনি বিবাহের আয়োজন করছি ।

চাকা । বসন্ত বাগানে—ফুল মালঞ্চের মাঝখানে—বুঝে রাখুন—বিরহ—দারুণ—দুঃসহ ।

কুড়ো । সব মিটে যাবে—সব মিটে যাবে ।

[কুড়োরামের প্রস্থান ।

চাকা । এই যে—এইযে জয়া—যাও তোমার খোলসা ।

জয়া । সত্যি বলছ চাকাদাস ।

চাকা । আমার টাকা ফিরিয়ে দাও—আর চুক্তি পত্র দাও ।

(পত্রদান)

জয়া । এইনাও—এইনাও ।

[প্রস্থান ।

চাকা । কি আনন্দ—কি আনন্দ—পাব টাকা—ভারা ভারা—সঙ্গে সঙ্গে অপসরা । জয়া গেছে—আপদ গেছে—আপদ গেছে—পরসা দিয়ে কেনা—বাবা, স্বাদ আসলে প্রেম বেরিয়ে যেতো—বেশ হয়েছে—বেশ হয়েছে ।

(চিত্রলেখার প্রবেশ)

চিত্র । চাকাদাস—

চাকা। ঝাঁগ ঝাঁগ—প্রাণে—

চিত্র। চোপ গাধা।

চাকা। একি গো! প্রেমের মুখেই বাধা।

চিত্র। আগে বিয়ে হোক।

চাকা। আচ্ছা আচ্ছা—তাহলে ঘরে যাও সেজে নাও।

চিত্র। সেজেতো নেবো—তারপর যদি ছোঁড়াটা এসে বলে তোমায় ছাড়বো না।

চাকা। ও বাবা! তাহলে উপায়।

চিত্র। তুমি কি তার কিছু ধার?

চাকা। কিছু।

চিত্র। ফেলে দাও—ফেলে দাও।

চাকা। এখনি দিচ্ছি—কিন্তু তুমি একবার বল তুমি রাধা আমি শ্রাম।

(পুষ্পরথের প্রবেশ)

পুষ্প। এই কাঁধে বাড়ী বলরাম।

চাকা। ও বাবা! একি?

পুষ্প। এ আবার কি—নূতন বর হলে—একটু তামাসা করবো না? নাও, চল বসন্তোৎসানে তোমাকে পুঁইসুন্দরীর হাতে সমর্পণ করে আসি।

চিত্র। আমিও ওদিকে সেজে গুজে বসে থাকি।

বাসন্তী ।

অষ্টম দৃশ্য ।

বসন্তোদ্যান ।

সখীগণ ।

গীত ।

ধর ধর ধর ।

প্রেমের ঝোঁকে অগম পাকে তুলিয়ে গেল বর ।

টিকিটি আছে ভেসে, টেনে ধর রোকে ক'সে

বঁধু নইলে খাপি খায় ।

গোয়াল ঘরের বাঁধা বঁধু নয়কাত সে পর ।

মাথা নেড়ে আসবে ভেড়ে সর সর সর ।

১ম সখী । যে যেখানে আছ, সরে যাও, যদি কুচোখে দেখত
চোখের মাথা খাও ।

(বরবেশে চাকাদাস)

সকলে । হুলুধ্বনি ।

(জয়া ও সুরেশ্বরের প্রবেশ)

সুরে । চাকাদাস—নিষ্ঠুর চাকাদাস ! তুমি আমার প্রাণে-
শ্বরীকে ঠকিয়ে নিয়েছ ।

চাকা । আহা হা ! রাগ ক'রনা ।

সুরে । কি, রাগ করবোনা ! আমার সঙ্গে কুড়োরামের
মেয়ের বিয়ের চুক্তি—আমি রাগ করবো না !

কুড়ো । কি হয়েছে—কি হয়েছে ।

সুরে । কি হয়েছে ! আমার সঙ্গে মেয়ের বিয়ের লেখা
পড়া ক'রে, চাকাদাসকে দেওয়া ।—

কুড়ো । আহা, না হয় টাকাটাই নেবে ।

সুরে । তোমার খুচরো দশ হাজার টাকা নিয়ে আমার কি হবে । বিয়ে হ'লে আমি তোমার ক্রোর টাকার মালীক হতুম । আমি কিছুতেই পুঁইমণিকে ছাড়বো না !

চাকা । আহা ছাড় ছাড়—তোমার সুবিধে হবে—সুবিধে হবে ।

১ম সখী । কি হয়েছে কি হয়েছে—আচ্ছা আমরা মীমাংসা করে দিচ্ছি !

চাকা । দাওত দাওত প্রাণসখীরে ।---

১ম সখী । চাকাদাস বাবু, তুমি ওর লাখটাকা ফেনে দাও ।

চাকা । তাই নাও তাই নাও—নিয়ে মিটিয়ে ফেল ।

সুরে । বেশ, তাহ'লে আমার আপত্তি নেই ।

সকলে । বেশ বেশ ।

(পুষ্পরথের প্রবেশ ।)

পুষ্প । গোলমাল মিটে গেল ?

সকলে । গেছে গেছে ।

সুরে । এই নাও জয়া—তোমার পিতৃশ্রদ্ধা পরিশোধ কর ।

জয়া । এই নাও কুড়োরাম—শ্রদ্ধার টাকা নাও ।

চাকা । এই নাও—লাখটাকার হুণ্ডি নাও ।

পুষ্প । তাহলে বউ আনি ।

সকলে । আন আন ।

(পুঁইসুন্দরীর প্রবেশ)

পুষ্প । নাও চাকাদাস—তোমার প্রাণেশ্বরী এসেছে—
একবার চারি চকুর মিলন কর ।

চাকা । ওরে বাবারে ! ও করে ?

সকলে । নাও হাতে হাত দাও ।

চাকা । এই এই এই—ও বাবা ! একি

পুঁই । প্রাণেশ্বর ! প্রাণেশ্বর !—

চাকা । চোপ্ চোপ্—ওরে বাবা প্রাণেশ্বরী কোথায় তুমি ।

পুঁই । এইয়ে এইয়ে—আমাকে চিন্তে পারছনা ।—

চাকা । চোপ্ চোপ্—বাপ্ বাপ্— [পলায়ন ।

কুড়ো । পালাবে কোথায় সই করেছে—পালাবে কোথায় ?

[জয়া সুরেশ্বর ও সখীগণ ব্যতীত সকলের প্রস্থান ।

(চিত্রলেখার প্রবেশ ।)

চিত্র ও পুষ্প জয়ার হাত ধারণ ।

চিত্র । এই নাও সুরেশ্বর ! তোমার নিস্বার্থতার ফল গ্রহণ কর ।

গীত ।

কুতূহলে উথলে মলয় ।

পিয়ে নাও যার যত সাধ বিবাদ কর লয় ॥

এ মধু চাঁদিনী রাতে এ মধু মাসে

ভেসে ভেসে চলে যাব

তরে তরে খুজে লব.

কোথা কে বিরহী ব'সে মুখ বিরসে ।

তুলে লব ধীরে ধীরে বেধা ব্যথা রয় ॥

যে বা চার ধরে এনে দিবগো তারে

হাসি রাশি ঢেলে দিব চুমি অধরে

একটী মূখের নিশি বেশি কিছু নয় ।

দাঁড়াও হে পাশাপাশি রসমই রসময় ॥

